

**Արձանագրություն**  
**«Արտաշատի պահածոների գործարան» բաց բաժնետիրական ընկերության**  
**բաժնետերերի արտահերթ ընդհանուր ժողովի**  
(կազմված է 24.03.2022թ. և բաղկացած է 2 էջից)

2022 թվականի մարտի 24-ին ժամը 12:00-ին, ՀՀ, Արարատի մարզ, ք.Արտաշատ, փ. Օգոստոսի 23-ի, շ. 145 հասցեում տեղի ունեցավ «Արտաշատի պահածոների գործարան» բաց բաժնետիրական ընկերության (պետական գրանցման համարը՝ 14.130.00450, գրանցման ամսաթիվը՝ 29.01.1996 թվական), այսուհետ՝ «Ընկերություն», բաժնետերերի արտահերթ ընդհանուր ժողովը (այսուհետ՝ «Ժողով»):

**ԺՈՂՈՎԻՆ ՄԱՍՆԱԿՑԵՑԻՆ՝**

Ընկերության թվով 17 475 հատ տեղաբաշխված հասարակ (սովորական) անվանական բաժնետոմսերի 14 բաժնետերերից թվով 2 հետևյալ բաժնետերերը.

1. Թվով 12 861 հատ հասարակ (սովորական) անվանական (73.596567 %) բաժնետոմսերի սեփականատեր «Էմ Բի Կապիտալ» ՓԲԸ-ն ի դեմս տնօրեն Միքայել Էռնեստի Սողոմոնյանի,

2. Թվով 4 088 հատ հասարակ (սովորական) անվանական (23.393419 %) բաժնետոմսերի սեփականատեր Վաչագան Սերգոյի Կարապետյանը:

Ապահովված է Ժողովի անցկացման համար անհրաժեշտ քվորումը (96.989986 %):

Հիմք ընդունելով Ընկերության կանոնադրության 10.13 կետի 4-րդ ենթակետը՝ Ժողովը նախագահում էր Ընկերության Խորհրդի նախագահ Վաչագան Սերգոյի Կարապետյանը՝ արտադրության տնօրեն՝ Ամուր Կարապետի Ոսկանյանի քարտուղարությամբ:

**ՕՐԱԿԱՐԳ.**

1. Ընկերության գործունեությունը շարունակելու մասին հարց:

Վաչագան Կարապետյանը ներկայացրեց Ժողովի քվորումը, բաժնետերերին բացատրություններ տվեց Ժողովում օրակարգի հարցերի քվեարկման կարգի վերաբերյալ:

**ԼՍԵՑԻՆ**

Օրակարգի հարցի կապակցությամբ ելույթ ունեցավ Ընկերության բաժնետեր Վաչագան Սերգոյի Կարապետյանը և հայտնեց, որ վերջին երկու ֆինանսական տարվա արդյունքներով Ընկերության զուտ ակտիվների արժեքը կազմում է բացասական մեծություն: Նա նշեց, որ այդ կապակցությամբ Ընկերության Խորհուրդը, հիմք ընդունելով Ընկերության գործունեության հիմնական տեսակները և գործունեության ծրագրերը, հաշվի առնելով, որ Ընկերությունը Հայաստանի առաջատար ու խոշոր ընկերություններից է սննդի արդյունաբերության ոլորտում, և որ Ընկերության արտադրանքն ունի Ռուսաստանի և Եվրոպական երկրների շուկայում լայն սպառում և մեծացող պահանջարկ, ներկայացրել է գրավոր եզրակացություն

Ընկերության գործունեությունը զուտ ակտիվների առկա չափի պարագայում շարունակելու նպատակահարմարության և հիմնավորվածության վերաբերյալ:

Հարցի կապակցությամբ ելույթ ունեցավ Ընկերության բաժնետեր՝ «Էմ Բի Կապիտալ» ՓԲԸ-ի դեմս տնօրեն Միքայել Սողոմոնյան և առաջարկեց հաստատել ներկայացված առաջարկը:

Հարցը դրվեց քվեարկության:

Քվեարկության արդյունքում ձայները բաշխվեցին հետևյալ կերպ.

Կողմ - 16 949 ձայն      Դեմ - 0 ձայն      Ձեռնպահ - 0 ձայն

### Ժողովը ՄԻԱՁԱՅՆ ՈՐՈՇԵՑ՝

1. Շարունակել Ընկերության գործունեությունը:
2. Հանձնարարել Ընկերության գլխավոր տնօրեն Վաչագան Սերգոյի Կարապետյանին՝ 10 (տասը) աշխատանքային օրվա ընթացքում ապահովել Ընկերության գործունեությունը շարունակելու մասին հայտարարության տեղադրումը Հայաստանի Հանրապետության հրապարակային ծանուցումների <http://www.azdarar.am> պաշտոնական ինտերնետային կայքում և գործունեությունը շարունակելու մասին որոշումը ներկայացնել Ընկերության պետական գրանցումն իրականացրած մարմին:
3. Սույն որոշումն ուժի մեջ է մտնում ընդունման պահից:

Ժողովում ընդգրկված հարցերը սպառվեցին, Ընկերության արտահերթ ժողովը հայտարարվեց փակված:

Ժողովի նախագահ՝



Վաչագան Կարապետյան

Ամուր Ոսկանյան